

PROGRAM JELAJAH PERKASA PERWIRA MENTERI PERTAHANAN KE PANGKALAN UDARA BUTTERWORTH

airforce.mil.my/berita/acara-rasmi/3155-program-jelajah-perkasa-perwira-menteri-pertahanan-ke-pangkalan-udara-butterworth

BUTTERWORTH, 10 Mac 18 - Panglima Tentera Udara, YBhg Jen Tan Sri Dato' Sri Hj Affendi bin Buang TUDM telah menghadiri Program Jelajah Perkasa Perwira bertempat di Pangkalan Udara Butterworth hari ini.

Program Jelajah Perkasa Perwira yang pertama kali diadakan di Pangkalan Udara Butterworth ini telah disempurnakan oleh Menteri Pertahanan Malaysia, YB Dato' Seri Hishammuddin Tun Hussein yang tiba pada jam 12 tengahari. Ketibaan beliau di Pergerakan Udara Pangkalan Udara Butterworth telah disambut oleh Panglima Tentera Udara, Panglima Wilayah Udara 1, YBhg Mej Jen Datuk Hj Romlee bin Yahaya TUDM dan Pegawai-pegawai Kanan TUDM.

Program Jelajah Perkasa Perwira ini bertujuan bagi YB Menteri Pertahanan beramah mesra bersama warga pangkalan. Dalam ucapan Menteri Pertahanan beliau berkata ini merupakan sambutan yang terbaik pernah beliau hadiri dan mengakui beliau sangat teruja dengan sambutan serta komitmen yang ditunjukkan oleh warga TUDM sempena Program Jelajah Perkasa Perwira ini.

Dalam majlis ini juga, YB Menteri Pertahanan berkesempatan untuk merasmikan surau Salahuddin Al Ayubi Pangkalan Udara Butterworth serta menunaikan solat berjemaah bersama warga Pangkalan Udara Butterworth.







